

כא ונתתיו לגוי גדול: ואת-בריתו
 אקים את-יצחק אשר-תלד
 לך שרה למועד הזה בשנה
 כב האחרת: ויכל לדבר אתו ויעל
 כג אלהים מעל אברהם: ויקח
 אברהם את-ישמעאל בנו ואת
 כל-ילידי ביתו ואת כל-מקנת
 כספו כל-זכר באנשי בית
 אברהם וימל את-בשר
 ערלתם בעצם היום הזה
 כאשר דבר אתו אלהים:
 כד ואברהם בן-תשעים ותשע
 שנה בהמלו בשר ערלתו:
 כה וישמעאל בנו בן-שלש עשרה
 שנה בהמלו את בשר ערלתו:
 ט בעצם היום הזה נמול אברהם
 כו וישמעאל בנו: וכל-אנשי
 ביתו יליד בית ומקנת-כסף
 מאת בן-נכר נמלו אתו:
 וירא
 וירא וירא אליו יהוה באלני ממרא ס
 והוא ישב פתח-האהל כחם
 ב היום: וישא עיניו וירא והנה
 שלשה אנשים נצבים עליו
 וירא וירץ לקראתם מפתח
 ג האהל וישתחו ארצה: ויאמר
 אדני אם-נא מצאתי חן
 בעיניך אל-נא תעבר מעל
 ד עבדך: יקח-נא מעט-מים
 ורחצו רגליכם והשענו תחת

ה העץ: ואקחה פת-לחם וסעדו
 לבכם אחר תעברו כי-על-כן
 עברתם על-עבדכם ויאמרו כן
 י* תעשה כאשר דברת: וימהר
 אברהם האהלה אל-שרה
 ויאמר מהרי שלש סאים קמח
 ז סלת לושיו ועשי עגות: ואל-
 הבקר רץ אברהם ויקח בן-
 בקר רך וטוב ויתן אל-הנער
 ח וימהר לעשות אתו: ויקח
 חמאה וחלב ובן-הבקר אשר
 עשה ויתן לפניהם והוא-עמד
 עליהם תחת העץ ויאכלו:
 ט* ויאמרו אליו איה שרה אשתך
 י ויאמר הנה באהל: ויאמר שוב
 אשוב אליך כעת חיה והנה-בן
 לשרה אשתך ושרה שמעת
 פתח האהל והוא אחריו:
 יא ואברהם ושרה זקנים באים
 בימים חדל להיות לשרה ארח
 יב כנשים: ותצחק שרה בקרבה
 לאמר אחרי בלתי היתה-לי
 יג עדנה ואדני זקן: ויאמר יהוה
 אל-אברהם למה זה צחקה
 שרה לאמר האף אמנם אלד
 יד ואני זקנתי: היפלא מיהוה
 דבר למועד אשוב אליך כעת
 טו חיה ולשרה בן: ותכחש שרה ו
 לאמר לא צחקתי כי יראה
 טז ויאמר ו לא כי צחקת: ויקמו

משם האנשים וישקפו על-
 פני סדם ואברהם הלך עם
 יי לשלחם: ויהוה אמר המכסה
 אני מאברהם אשר אני עשה:
 יח ואברהם היו יהיה לגוי גדול
 ועצום ונברכו-בו כל גויי
 יט הארץ: כי ידעתיו למען אשר
 יצוה את-בניו ואת-ביתו
 אחריו ושמרו דרך יהוה
 לעשות צדקה ומשפט למען
 הביא יהוה על-אברהם את
 כ אשר-דבר עליו: ויאמר יהוה
 זעקת סדם ועמרה כי-רבה
 וחטאתם כי כבדה מאד:
 כא ארדה-נא ואראה הכצעקתה
 הבאה אלי עשו וכלה ואם-לא
 כב אדעה: ויפנו משם האנשים
 וילכו סדמה ואברהם עודנו
 כג עמד לפני יהוה: ויגש אברהם
 ויאמר האף תספה צדיק עם-
 כד רשע: אולי יש חמשים צדיקים
 בתוך העיר האף תספה ולא-
 תשא למקום למען חמשים
 כה הצדיקים אשר בקרבה: חללה
 לך מעשת ו כדבר הזה להמית
 צדיק עם-רשע והיה כצדיק
 כז רשע חללה לך השפט כל-
 הארץ לא יעשה משפט:
 ט ויאמר יהוה אם-אמצא
 בסדם חמשים צדיקים בתוך